

Ж.Тәшенов атындағы жалпы орта мектебі

*«Ізгілік» пән бірлестігінің  
I жаршы жылдық есебі*

*(қазақ тілі мен әдебиеті, орыс тілі мен әдебиеті,  
ағылшын тілі пәндері бойынша)*

**2021-2022 оқу жылы**

«Тілдік» пән бірлестігінің 2021-2022 оқу жылының I жарты жылдығында  
атқарған жұмыстары туралы

Мәлімет

2021-2022 оқу жылында «Тілдік» пән бірлестігінде қазақ тілі мен әдебиеті, орыс тілі мен әдебиеті және ағылшын тілі пәндері бойынша 10 мұғалім қызмет етті.

Қазақ тілі мен әдебиеті пәнінен 6 мұғалім:

1. Досхожаева О.- педагог-зерттеуші;
2. Шұлғаубаева Ү-жоғары санат;
3. Жунисова П.- педагог-зерттеуші;
4. Уткельбаева Г.- педагог-сарапшы;
5. Идрисов А. -педагог-сарапшы
6. Мантаева Ә.- санатсыз.

Орыс тілі мен әдебиеті пәні бойынша 2 мұғалім:

1. Абдуқаликова А.- педагог-зерттеуші;
2. Малдехан Ж.- педагог-зерттеуші.

Ағылшын тілі пәнінен 2 мұғалім:

1. Баймаханова Г.- педагог-сарапшы;
2. Жаулубаева А.-педагог-модератор.

Оқу жылының басында бірлестіктің жылдық жоспары түзіліп, жыл бойы өтілетін іс-шаралар жоспарланып, бекітілді.

Тілдер мерекесіне орай «МЕМЛЕКЕТТІК ТІЛ – ҰЛТ БІРЛІГІНІҢ БАСТЫ ФАКТОРЫ» тақырыбында 6 қыркүйек пен 13 қыркүйек аралығында апталық болып өтті.

6-қыркүйек күні апталықтың салтанатты ашылуы болып, мектеп мұғалімдері мен оқушыларға іс-шаралар жоспары таныстырылды. «Ең бірінші бақытым – тілім менің» ақындар мұшайрасы, «Ең бірінші бақытым – тілім менің» ақындар мұшайрасы болып өтті. 5-11 сынып аралығынан 12 оқушы қатысып, өз жырларын оқыды. Үздіктер анықталып, марапатталды.

7-қыркүйек күні «Тілге құрмет – елге құрмет» сырттай эссе жазу байқауы өткізілді. 23 оқушы қатысып бәйгелені оза шапқан жүйріктерге алғыс хаттар табысталды.

Осы апталық барысында қазақ, орыс және ағылшын тілінде бейнежазба арқылы «Мәңгілік ел – мәңгілік тіл» тақырыбында челлендж жүргізілді.

8-қыркүйек күні қазақ тілі мен әдебиеті пәнінің мұғалімі Ү.Шұлғаубаева "ҚАЗАҚ ҮНЖАРИЯСЫНА 100 ЖЫЛ" Қазақ радиосының ғасырлық мерейтойына арналған сыныптан тыс іс-шара өткізді. Шара барысында қазақ радиосының ең алғашқы докторы Әнуарбек Байжанбаев туралы таныстырылым жасап, өміріндегі қызықты, тарихи сәттері туралы әңгімеледі. Сондай-ақ, оқушыларды сол кездегі радиомен таныстырып, көрмеге қойылған бірнеше радио туралы мәлімет берді.

10-қыркүйек күні қазақ тілі мен әдебиеті пәнінің мұғалімі П.Жунисова мен кітапханашы Ж.Сайлыбаева және тәлімгер Р.Миржибаеваның ұйымдастыруымен «Тұлпар миіп ту алған» тақырыбында жыр бәйгесінен оза шапқан жүйрік Әлжаппармен кездесу өткізілді. Үш жыл қатарынан батырлар жырын жаттап, аудандық, қала берді облыстық жүлдеге ие болған Әлжаппар Жорабеков өзінің «Қамбар батыр», «Алпамыс батыр» және «Қобыланды батыр» жырларынан үзінді оқыды және қалай жаттағаны, қиындықтары мен оларды қалай жеңгені туралы өз естеліктерімен бөлісті. Кеш қонағы зейнеткер ұстаз, Әлжаппардың алғашқы ұстазы Қолдасова Данахал апай да өзінің зерек шәкіртінің бастауыш сыныпта-ақ көзге түскенін айтып, өз естеліктерімен бөлісті.

Тіл мерекесіне орай 14-қыркүйек күні Ж.Тәшенов атындағы жалпы орта мектебінде қазақ тілі мен әдебиеті пәнінің мұғалімі Г.Уткельбаева мен тәлімгер Роза Миржибаеваның ұйымдастыруымен «Бабамнан қалған нұрлы жұлдыз» тақырыбында әдеби-музыкалық кеш

болып өтті. Шара барысында 8-сынып оқушысы Бақытжан Анеля «Қазақ тілінің мәртебесі», Аманова Зере «Парижде ән салған Әміре» және 11 сынып оқушысы Абдухожа Қасиет «Әлем халқына қазақша ән салдырған Димаш» тақырыптарында таныстырылым жасап, қорғап шықты. 8-сынып оқушылары ана тілі жайлы ақын жырларынан мәнерлеп оқыса, 11-сынып оқушылары әдеби монтаж дайындап, көрініс қою арқылы ана тіліміздің сарқалмас қазына екенін таныта білді. Салтқалибек Перизат «Анамның тілі» әнін орындап, көрерменді әнмен сусыздатты. Әдеби кеш барысында айтылған әрбір сөз жас ұрпақты ана тілін қадірлей білуіне, тіл қадіретін сезнуіне әсер еткен мазмұнды кеш болды.

Осындай іс-шаралар, тәрбие сағаттары мен сыныптан тыс сайыс сабақтарды бастаушы сынып мұғалімдері, орыс тілі мен әдебиеті пәнінің мұғалімі Ж. Меллахан, ағылшын тілі пәнінің мұғалімдері А. Жаулбаева мен А. Ұлымбек, ұйымдастырушы педагог Б. Мырзатаева өткізіп аптанықтың әрін кіргізе түсті.

Аптанықтың қорытындысы ретінде ағылшын тілі пәнінің мұғалімі Г. Баймаханова «Welcome to the wonderful world England!» тақырыбында кеш өткізді. Кеш барысында 11-сынып оқушылары үш тілде жүргізіп, заман талабына дайын жастар екенін көрсетті. Ағылшын тілінде әндер мен тақпақтар айтылып, «Қызыл телпек» ертегісі сахаланды. Кештің негізгі бөлімінде мектебіміздің түлегі, Абылайхан атындағы шет тілдер университетінің бакалавры, қазіргі таңда Сеул университетінің магистранты Жаңабай Ақсердің жетістіктері туралы айтылды. Көрермендер Ақсердің мектеп оқушыларына арнаған қазақ, ағылшын және корей тілдерінде айтқан бейнежазбауын тыңдап, ерекше әсерге бөленді. Анасы Шұлғаубаева Ұлмекен қызылша талабына қалай қолдау көрсеткенін, дайындық жұмыстарын қалай жүргізгенін айтып, бүгінгі күнге дейінгі жетістіктері Ақсердің ізденімпаздығында, талмай еңбектенуінде екенін тілге тиек етті.

Қазан айында қазақ тілі мен әдебиеті пәнінің мұғалімі Ү. Шұлғаубаевамен ұйымдастырушымен «Берекелі алтын күз» атты күз жәрмеңкесі болып өтті. Жәрмеңкенің мақсаты: оқушыларды ана тілінде сауатты сөйлей отырып, экономикалық, шығармашылық дағдыларын арттыру. Әр түрлі заттар, тәттілер пісіріп, көгөніс, жеміс жидектерін әкеліп, оған баға қойып, оны сату оқушылар үшін өте қызықты сәт болды, әрі сату, ақша жинау арқылы әр сынып сауда жасаудың алғашқы қадамдарын да үйрене түсті.

Қараша айында Шұлғаубаева Ұлмекен апайдың бастамасы бойынша «Ізгілік» пән бірлестігінің ұйымдастырушымен «Алаш арыстарының қолтаңбасындай» атты екі күндік іс-шара болып өтті. Шараның мақсаты:

1. Қазақ бастасөзінің тарихына бойлау
2. «Айқап» журналының 110 жылдығын атап өту
3. Ұлттық құндылықтарды насихаттау, ұлт тарихын терең білуге, алаш арыстарының еңбегін бағалай білуге тәрбиелеу дәтқандылығына баулу.

Бірінші күні 9,10,11-сынып оқушылары дайындаған «Айқап» журналының тарихы, тұңғыш редакторы М. Сералиннің өмірі, шығармалары бойынша мұражайдың ашылуы болды. Әр сынып оқушылары мұражаймен таныса отырып, қазақ бастасөзінің тарихымен де танысты. Келесі күні «Алаш арыстарының қолтаңбасындай» атты танымдық, музыкалық әдеби кеш болды. Кеш шымылдығын «Айкөркем» би тобы «Қазақ» биімен ашып берді. Келесі кезекте мектебіміздің орыс тілі мен әдебиеті пәнінің мұғалімі, ұстазымыз Абдукалниева Алтыншаш апай дайындаған «Айқап» журналының 110 жылдығына арналған «Қазақ» бастасөзінің тарихы» атты бағдарлама оқып, бастасөз тарихының көп сырларын ашты.

Әдеби кешті жалғастырып, сахнаға қазақ тілі мен әдебиеті пәнінің мұғалімі Жүнісова Перизат апайдың шәкірттері, 6-сынып оқушылары шықты. Поэзия сусыбын қанып ішкен жеткіншектер «Айқап» журналының бас редакторы Мұхамеджан Сералиннің «Топжарған» поэмасынан үзіндіні мәнерлеп оқып, көңілдіктің қимылымен шықты.

Осы әдеби сазды кештің әрін аша түскен қойылым - 10 «б» сынып оқушылары сахналаған «Гүлхашима» поэмасынан үзінді, «Орындалмаған арман» атты сахналық қойылым болды. Сценарий авторы: 10-сынып оқушысы - Әбілқайыр Айзере. Ұлттық киім киіп, киіз үй, оюлы жабдықтар қазақ халқының 19-ғасырдағы өмірін қат қалпында көз алдымызға әкелгендей болды. Кейіпкерлерді сомдаған 10-сынып оқушылары Әбілқайыр Айзере, Утеген Шыңғыс, Жасұзақ Ілияс, Дархан Ләззат пен хат тасушы бала ролін сомдаған Мусин Нұрасыл да өздерінің шығармашылық қабілеттерін жоғары деңгейде таныта білді. Шараға белсене қатысқан оқушылар, сыныптар алғыс хатпен марапатталды.

Желтоқсан айында еліміздің Тәуелсіздігіне 30 жыл толуына орай көптеген тәрбие сағаттар мен іс шаралар, танымдық сабақтар өткізілді. Атап айтар болсақ: О. Досхожаева, А. Жаулбаева 5-сыныпта «Тәуелсіз елім-терім», Ұ. Шұлғаубаева «Менің Қазақстаным», Г. Уткельбаева «Желбіре, көк байрағым», П. Жунисова «Мәңгілік Ел-Қазақстан» ағылшын тілі пәнінің мұғалімі Г. Баймаханова «Желтоқсан ығары» тақырыбында ашық тәрбие сағаттарын өткізді.

Бірінші жарты жылдықта біршама жетістіктерге де ие болдық. ҚР Тәуелсіздігінің 30 жылдық мерейтойына орай қазақ тілі мен әдебиеті пәнінің мұғалімдері О. Досхожаева, Ұ. Шұлғаубаева, П. Жунисова өздерінің көп жылдық мүлтіксіз еңбек еткені үшін Арыс қалалық кәсіподақ комитетінің құрмет грамотасымен марапатталды.

Сондай-ақ, қазақ тілі мен әдебиеті пәнінің мұғалімі Г. Уткельбаева Ыбырай Алтынсариннің 180 жылдық мерейтойына орай өткізілген «Ыбырай жатулары» атты қалалық байқауда жүлдесі ІІ орын иеленді.


Қалалық «Тұлпар мініп ту алған» жыртылар байқауында П. Жунисованың 2 шәкірті бірдей жүлдеге ие болды: 7-сынып оқушысы Токболаев Бақдаулет 3-орын, 7-сынып оқушысы Басқара Алуа 2-орын иеленіп, мектебіміздің мерейін өсірді.

Орыс тілі мен әдебиеті пәнінің мұғалімі Ж. Мелдехан қалалық «Қысқа мертімді жоспар жасау» сырттай байқауы бойынша жүлдесі 2-орын иеленді.

Тағы бір айта кететін жайт: ҚР Тәуелсіздігінің 30 жылдығына орай халықаралық «Қазақстан педагогтері» ассоциациясының ұйымдастыруымен жүзеге асырылған «Тәуелсіздіктану» І халықаралық жобасына эссе, мақала жазған Ұ. Шұлғаубаева, П. Жунисова, Г. Уткельбаева арнайы сертификатқа ие болды және шығармалары халықаралық жинаққа енді.

Қорыта келгенде, 2021-2022 оқу жылының алғашқы жартысында айтарлықтай жетістіктер болды. Жоспарланған іс-шаралар уақытында, жүйелі жүзеге асырылды. Алдағы жарты жылдықта да осы жүйені бірізділікпен жалғастырып, айқын мақсаттарға жету ниетіндеміз.

«Мәңгілік» пән бірлестігінің жетекшісі:

 Г. Уткельбаева